

便得阿耨多羅三耶三菩疾成阿惟三佛

摩訶般若波羅蜜鈔經卷第五

淡七

何_等羣_字卑_綱桿_何且

延聖院比丘清滿書

道行摩訶般若波羅蜜經卷第一

後漢月支三歲支婁迦識譯

麟

道行品第一

李寺刊

佛在羅閱祇耆闍崛山中摩訶比丘僧不可計諸弟子舍利弗須菩提等摩訶菩薩無央數弥勒菩薩文殊師利菩薩等月十五日說戒時佛告須菩提今日菩薩大會用諸菩薩故說般若波羅蜜菩薩當是學成舍利弗心念言今使須菩提為諸菩薩說般若波羅蜜自用力說耶持佛威神說乎須菩提知舍利弗心所念便語舍利弗言敢佛弟子所說法所成法皆持佛威神何以故佛所說法法中所學皆有證皆隨法展轉相教展轉相成法中終不共諍何以故時而說法莫不喜樂者自恣善男子善女人而學須菩提白佛言佛使我為諸菩薩說般若波羅蜜菩薩當從中學成佛使我說菩薩菩薩有字便著菩薩有字無字何而法中字菩薩了不見有法菩薩

菩薩法字了無亦不見菩薩亦不見其處何而有菩薩當教般若波羅蜜作是說般若波羅蜜菩薩聞是心不懈怠不怖不難不畏菩薩當念作是學當念作是住當念作是學入中心不當念是菩薩何以故有心無心舍利弗謂須菩提云何有心無心須菩提言

心亦不有亦不無亦不能得亦不能知處舍利弗謂須菩提何而心亦不有亦不無亦不能得亦不能知處者如是亦不有亦不無亦不有有心亦不無無心須菩提言如是亦不有有心亦不無無心舍利弗言善哉須菩提為佛學佛而學者不說空身慧空身慧而說

最第一菩薩從是中已得阿惟越致學空終不復失般若波羅蜜如是菩薩已在般若波羅蜜中住欲學阿羅漢法當聞般若波羅蜜當學當持當守欲學辟支佛法當聞般若波羅蜜當學當持當守欲學菩薩法當聞般若波羅蜜當學當持當守何以故般若波羅蜜

法甚深菩薩而學須菩提白佛言我熟念菩薩心不可得亦不可知處亦不可見何所是菩薩般若波羅蜜亦不能及說亦不能逮說菩薩字菩薩無有處處了不可得亦無而出亦無而入亦無而住亦無而止何以故菩薩字了不可得故無而住無而止作是說般若

法甚深菩薩

二

波羅蜜菩薩聞是心不懈倦不難不恐不畏以入阿惟越致中悉了知不可復還菩薩行般若波羅蜜色不當於中住痛痒思想生死識不當於中住何以故住色中為行色住痛痒思想生死識中為行識不當行識設住其中者為不隨般若波羅蜜教何以故行識故是為不行般若波羅蜜不行者菩薩不得薩芸若舍利弗謂須菩提菩薩當云何行般若波羅蜜得般若波羅蜜須菩提言菩薩行般若波羅蜜色不受痛痒思想生死識不受不受色者為無色不受痛痒思想生死識者為無識般若波羅蜜不受何以故不受如影無

所取無所得故不受菩薩行般若波羅蜜一切字法不受是故三昧無有邊無有正諸阿羅漢辟支佛所不能及復次舍利弗菩薩若不受何以故菩薩不當持想視菩薩若設想視者為不了為如餘道人不信菩薩若何以故反謂有身正使餘道人信佛信佛已反持

小道入佛道中入佛道中已不受色痛痒思想生死識不受不受已亦未曉尚未成亦不見慧亦不於內見慧亦不於外見慧亦不於餘處見慧亦不於內痛痒思想生死識見慧亦不於外痛痒思想生死識餘處見慧亦不於餘處脫以學成就佛了知從法中以脫去

道行一

三

謂法等一泥洹菩薩莫作是行莫內外視法呼與般若波羅蜜等一切無所受無所從誰得法無所持無所放亦無所泥洹想是故菩薩般若波羅蜜亦不受色痛痒思想生死識亦不受亦不中道般泥洹悉具十種力四無所畏佛十八事是故菩薩般若波羅蜜菩薩

已入般若波羅蜜中行當作是視何所是般若波羅蜜在何所般若波羅蜜中法了不能得了不能知處是故般若波羅蜜菩薩當作是念聞是不懈不却不恐不畏不難知是菩薩不離般若波羅蜜菩薩當了知如是舍利弗謂須菩提菩薩何因曉般若波羅蜜色離

本色痛痒思想生死識離本識般若波羅蜜離本般若波羅蜜須菩提言如是舍利弗言善哉須菩提菩薩設使出是中便自致薩芸若須菩提言如是菩薩出是中便自致薩芸若何以故薩芸若無所從生無所從出如是菩薩疾近作佛菩薩行般若波羅蜜於薩芸

若中無所罣礙舍利弗言善哉菩薩精進作是語設使行色為行想設生色行為行想設觀色行為行想設滅色行為行想設空色行為行想設識行立欲得為行想痛痒思想生死識行為行想生識行為行想觀識行為行想滅識行為行想空識行為行想如是菩薩

為反行想作是守行者為不守般若波羅蜜
為不行般若波羅蜜若行若善護行當
莫隨其中舍利弗謂須菩提菩薩當云何行
般若波羅蜜須菩提言不行色不生色行不
觀色行不滅色行不空色行不痛痒思想生
死識行不生識行不觀識行不滅識行不空

識行不行色不色想行不色生行不色觀行
不識滅行不識空行亦無見亦無行亦無見
行無行無見亦復無行亦無止行如是為無
見何以故一切法無所從來亦無所持菩薩
摩訶薩一切字法不受字是故三昧無有邊
無有正諸阿羅漢辟支佛所不能及知菩薩

摩訶薩隨三昧者疾得作佛持佛威神須菩
提說是語菩薩皆得阿惟越致字前過去佛
時得作佛隨三昧亦不見三昧亦無有三昧
想亦不作三昧亦不念識三昧亦不想識坐
三昧亦不言我三昧已隨是法者無有疑舍
利弗謂須菩提何所三昧隨行菩薩已得阿

惟越致字前過去佛時得作佛可得見三昧
處不須菩提言不可得見也舍利弗善男子
亦不知亦不了舍利弗謂須菩提何以故不
知不了須菩提言亦不得三昧亦無有三昧
亦不得字佛言善哉須菩提如我所說空身
慧作是為諸菩薩為隨般若波羅蜜教菩薩

作是學為學般若波羅蜜也舍利弗白佛言
天中天菩薩學如是為學般若波羅蜜舍利
弗問佛言如是為學何法佛言如是菩薩為
學無所學法何以故法無所逮得莫癡如小
兒學舍利弗言誰能得是法佛言無所得是
故得無所得法莫癡如小兒學者謂有字不

能得欲學習入法中適為兩癡耳亦不知亦
不曉亦不了法何以故學字是色欲得是致
是故不了法所念亦不逮如是不曉不信故
不於法中住反呼有身是故癡如小兒學舍
利弗白佛言菩薩作是學為不學佛言作是
學為不學佛不作是學為學佛得作佛須菩
提

提言天中天若有問者是幻為學佛得作佛
或作是問當何以教之佛言我故自問若隨
所報之於須菩提意云何幻與色有異無幻
與痛痒思想生死識有異無須菩提報佛言
尔天中天幻與色無異也色是幻幻是色幻
與痛痒思想生死識等無異佛言云何須菩
提所想等不隨法從五陰字菩薩須菩提言
如是天中天菩薩學欲作佛為學幻耳何以
故幻者當持此所有當如持五陰幻如色色
六表五陰如幻痛痒思想生死識作是語字
六表五陰須菩提白佛言若有新學菩薩聞
是語得無恐怖佛言設使新學菩薩與惡師
相得相隨或恐或怖與善師相得相隨不恐
不怖須菩提白佛言何所是菩薩惡師者當
何以知之佛言其人不尊重摩訶般若波羅
蜜者教人棄捨去遠離菩薩心反教學諸雜
經隨雜經心所喜樂復教學餘經若阿羅漢
辟支佛道法教學是事勸乃令誦誦為說魔

事魔因行壞敗菩薩為種種說生死勤苦言
菩薩道不可得是故菩薩惡師須菩提白佛
言何所菩薩善師何行從知之佛言其人尊
重摩訶般若波羅蜜稍稍教人令學成教語
魔事令覺知令護魔是故菩薩善師也須菩
提白佛言天中天何因為菩薩何故正字呼
菩薩佛言諸經法悉學悉曉了知諸經法尔
故字為菩薩須菩提言悉曉了知諸經法尔
故字菩薩何以故復呼為摩訶薩佛言摩訶
薩者天上天下最尊尔故字摩訶薩舍利弗
白佛言我亦樂聞何以故為摩訶薩佛語舍
利弗若樂聞者佛當為說之摩訶薩者悉自
了見悉了知十方天下人十方所有悉曉了
知知人壽命知有惡無惡樂不樂有志無志
悉曉了知見為說法如是無所著尔故字為
摩訶薩須菩提白佛言請問摩訶薩者何所
字摩訶薩設是菩薩心無有與等者無有能
逮心者諸阿羅漢辟支佛所不及心佛心

摩訶

六

如是心無所著心無所出無所入設佛心無所出無所入為無所著心亦故復為摩訶薩正上無有與等者舍利弗問須菩提何因菩薩心無所著須菩提言心無所生亦故無所著邠祁文陀弗白佛言何因呼菩薩為摩訶僧那僧涅摩訶衍三跋致佛言如是亦故為摩訶僧那僧涅摩訶衍三跋致須菩提復白佛言何因菩薩摩訶薩為摩訶僧那僧涅何從知菩薩摩訶薩為摩訶僧那僧涅佛言菩薩摩訶薩心念如是我當度不可計阿僧祇人悉令般涅槃如是悉般涅槃是法無般般涅槃一人也何以故本無故譬如幻師於曠大處化作二大城作化人滿其中悉斷化人頭於須菩提意云何寧有所中傷死者無須菩提言無菩薩摩訶薩度不可計阿僧祇人悉令般涅槃無般般涅槃一人也菩薩聞是不恐不畏不恚不捨去就餘道知是則為摩訶僧那僧涅須菩提白佛言如我從佛聞

念其中事如是不為摩訶僧那僧涅何以故作是為者無有作薩芸若無所供養人無作者為何等所入作摩訶僧那僧涅色無著無縛無脫痛痒思想生死識無著無縛無脫邠祁文陀弗謂須菩提色無著無縛無脫痛痒思想生死識無著無縛無脫何謂痛痒思想生死識無著無縛無脫須菩提語邠祁文陀弗色如幻無著無縛無脫痛痒思想生死識如幻無著無縛無脫無有邊無著無縛無脫譬如空無著無縛無脫無所生無著無縛無脫是故菩薩摩訶薩為摩訶僧那僧涅須菩提白佛言何因為摩訶衍三跋致何所是摩訶衍從何所當住衍中何從出衍中誰為成衍者佛語須菩提摩訶衍摩訶衍者無有正也不可得邊幅須菩提問佛言我欲知衍從何所出生從三處出自致

薩芸若中住亦無有從中出生者亦無有甫
當來出者何以故天中天佛言正使生已甫
當來出者假令有兩法者不可得法設不從
得者復次何法出須菩提白佛言摩訶衍於
天上天下人中正過上無有與等者衍與空
等如空覆不可復計阿僧祇人摩訶衍覆不

可復計阿僧祇人介故呼摩訶衍摩訶衍者
亦不見來時亦不見去時亦不見住處亦不
中邊見亦不於是間見亦無所見亦不於三
處見字如是天中天介故為摩訶衍佛言善
哉須菩提介故為摩訶衍那那文陀弗白佛
言尊者須菩提佛使說般若波羅蜜及至說
摩訶衍事為須菩提白佛言須菩提說般若
波羅蜜得無過天中天佛言若說般若波羅
蜜不過也適得其中須菩提言菩薩亦不念
彼間亦不於是間念亦無中央念色亦無有
邊菩薩亦無有邊色與菩薩不可逮不可得
一切菩薩不可得不可逮何所是菩薩般若

波羅蜜當何從說菩薩都不可得見亦不可
知處當從何所說般若波羅蜜菩薩轉復相
呼菩薩云何天中天想如字耳何如為意意
無處處意無形形意本是形法何等為色色
不可得見亦無有身是中何所有色者痛痒
思想生死識識不可得見菩薩亦不可得見
摩訶衍

菩薩識了不知處處亦不可見一切菩薩了
無有處了不可見何所為菩薩般若波羅蜜
如是說菩薩都不可得見亦不可知處處了
無所有當從何所法中說般若波羅蜜介故
字為菩薩如是如是字想亦無字亦無想何
所為意意誰字意至本本意生意是無形何
因是識識不可得持至本亦無所持何因有
識如是法形形亦無有本設無有本法亦無
誰作亦無有本本無有本當何從說般若波
羅蜜亦無有異處亦無有本菩薩法亦無所
得有行菩薩聞是不恐不畏不難則為行般
若波羅蜜行般若波羅蜜法當熟思惟如是

是時爲不入色何以故色無所生爲非色設
亦非色爲無色亦無有生從其中無所得字
爲色法中本無無是菩薩行般若波羅蜜視
法思惟深入法是時亦不入痛痒思想生死
識何以故識無所生爲非識故亦不出識中
亦不入識中法中計了無所有舍利弗謂須

菩提我聽須菩提所說法中事如是菩薩無
所出生設菩薩無所出生者菩薩用何等故
憊苦行菩薩道設用十方天上人故何能忍
是憊苦須菩提語舍利弗我亦不使菩薩忍
是憊苦也行菩薩之道者菩薩自念我不錄
是憊苦行何以故菩薩心不當作是念言我
是憊苦行

忍是憊苦心未曾有是念不當作是念爲用
不可計阿僧祇人故欲令安隱念之如父念
之如母念之如子念之如身無異常當慈念
之菩薩當作是持心一切菩薩不見亦不知
處如是內法外法當作是念當作是行菩薩
作是行不爲忍憊苦舍利弗設使如是所語

菩薩不見出生菩薩爲無所出生舍利弗謂
須菩提設使菩薩無所出生薩芸若亦無所
出生須菩提言如是薩芸若無所出生舍利
弗謂須菩提設使菩薩如是所語菩薩不見
出生菩薩爲無所出生舍利弗謂須菩提設
使菩薩無所出生薩芸若亦無所出生須菩

提言如是薩芸若無所出生舍利弗謂須菩
提設使薩芸若無所出生悉逮得禪亦無所
生須菩提言如是悉逮得禪亦無所生舍利
弗謂須菩提是中菩薩無所生菩薩爲無所
生薩芸若亦無所生薩芸若法爲無所生悉
逮得禪具足亦無所生悉逮得禪法亦無所
生是爲無所逮得菩薩爲無所逮得薩芸若
須菩提言無所生法逮得無所生亦無所生
法逮得亦無無所生逮得舍利弗謂須菩
提設使無無無所生逮得無所生法是故無
所生逮法須菩提言設使無所生法生復無
無所生是故無所生逮得舍利弗謂須菩提

設使須菩提無所生無無所生是故無所生
 須菩提無所生須菩提語舍利弗無所生無
 所生樂聞舍利弗無所生樂是故為樂須菩
 提語舍利弗無所生聞是為聞舍利弗謂須
 菩提聞是語須菩提語舍利弗無無所語是
 為語無所語是為樂無所樂是故語是故樂
 舍利弗言善哉須菩提於法中第一尊何以
 故如尊者須菩提隨所問則報須菩提謂舍
 利弗佛弟子所說法十方亦不知所化來時
 隨所問則解何以故十方法亦不知所從生
 舍利弗言善哉須菩提從何所法中度菩薩
 須菩提言從般若波羅蜜中生說是法時若
 讀時菩薩信不疑菩薩當知之有隨是法不
 增不隨是法不減舍利弗謂須菩提隨是法
 亦不增不隨是法亦不減隨法教一切人隨
 法者不失一切人皆使得菩薩摩訶薩何以
 故一切人悉學法其法非如故須菩提言善
 哉舍利弗所解法如舍利弗言無異何以故

善 道行一

十

人身當諦念當作是了知人身若干種空其
 念亦若干種空當了知是人身難了知所念
 亦難了知舍利弗菩薩當作是守當作是行
 道行摩訶般若波羅蜜經難問品第二
 尔時釋提桓因與四万天子相隨俱來共會
 坐四天王與天上二万天子相隨來共會坐
 梵迦夷天與万天子相隨來共會坐梵多會
 天與五千天子相隨來共會坐諸天子宿命
 有德光明巍巍持佛威神持佛力諸天子光
 明徹照釋提桓因白須菩提言賢者須菩提
 是若干千万天子大會欲聽須菩提說般若
 波羅蜜云何菩薩於般若波羅蜜中住須菩
 提語釋提桓因言拘翼是若干千万天子樂
 者聽我當說須菩提持佛威神持佛力廣為
 諸天子說般若波羅蜜何所天子未行菩薩
 道其未行者今皆當行得須陀洹道不可復
 得菩薩道何以故閉塞生死道故正使是輩
 行菩薩道者我代其喜我終不斷功德法我

善 道行一

十一

使欲取中正尊法正欲使上佛佛言善哉須
菩提勸樂諸菩薩學乃須菩提白佛言須
菩提當報恩不得不報恩何以故過去時但
薩阿竭阿羅訶三耶三佛皆使諸弟子為諸
菩薩說般若波羅蜜但薩阿竭時亦在其中
學如是法中今自致作佛用是故當報佛恩

我亦復作是說般若波羅蜜菩薩亦當復受
菩薩法我復勸樂我皆受已皆勸樂已菩薩
疾速作佛須菩提言拘翼當所問者聽所問
菩薩當云何住般若波羅蜜中持空法菩薩
於般若波羅蜜中住拘翼菩薩摩訶薩摩訶
僧那僧涅槃訶衍三跋致色不當於中住痛
痒思想生死識不當於中住須陀洹不當於
中住斯陀含不當於中住阿那含不當於中
住阿羅漢不當於中住辟支佛不當於中住
佛不當於中住有色無色不當於中住有痛
痒思想生死識無痛痒思想生死識不當於
中住有須陀洹無須陀洹不當於中住有斯

陀含無斯陀含不當於中住有阿那含無阿
那含不當於中住有阿羅漢無阿羅漢不當
於中住有辟支佛無辟支佛不當於中住有
佛無佛不當於中住色無無常不當於中住
痛痒思想生死識無無常不當於中住色若
苦若樂不當於中住痛痒思想生死識若苦

若樂不當於中住色若好若醜不當於中住
痛痒思想生死識若好若醜不當於中住色
我所非我所不當於中住痛痒思想生死識
我所非我所不當於中住須陀洹道不動成
就不當於中住須陀洹道成已不當於中住
何以故須陀洹道七死七生便度去是故須

陀洹道不當於中住斯陀含道不動成就
不當於中住斯陀含道成已不當於中住何
以故斯陀含道一死一生便度去是故斯陀含
道不當於中住阿那含道不動成就不當於
中住阿那含道成已不當於中住何以故阿
那含道成已便於天上般泥洹是故阿那含

摩訶

十二

道不當於中住阿羅漢道不動成就不當於中住阿羅漢道成已不當於中住何以故阿羅漢道成已便盡是間無處所於泥洹中而般泥洹是故阿羅漢道不當於中住辟支佛道不動成就不當於中住何以故辟支佛道成已過阿羅漢道不能及佛道便中道般泥

洹是故辟支佛道不當於中住佛道不當於中住何以故用不可計阿僧祇人故作功德以不可計阿僧祇人我皆當今般泥洹正於佛中住是故佛道不當於中住舍利弗心念言佛當云何住須菩提知舍利弗心所念便問舍利弗言云何佛在何所住舍利弗謂須

菩提佛無所住但薩阿竭阿羅訶三耶三佛心無所住止不在動處止亦無動處止須菩提言如是如是菩薩當作是學如但薩阿竭阿羅訶三耶三佛住亦不可住當作是住學無所住是時諸天子心中作是念諸闍叉輩尚可知所念闍叉若大若小所語悉可了知

尊者須菩提所語了不可知須菩提知諸天子心中所念謂諸天子言是語難了亦不可聞亦不可知諸天子心中復作是念是語當解今尊者須菩提深入深知須菩提復知諸天子心中所念語諸天子言已得須陀洹道證若於中住不樂因出去已得斯陀含道證

若

三

若於中住不樂因去已得阿那含道證若於中住不樂因去已得阿羅漢道證若於中住不樂因去已得佛道證若於中住不樂因去已得佛道證若於中住不樂因去諸天子心中復作是念尊者須菩提所說乃亦當復於何所更索法師如須菩提言者須菩提

知諸天子心中所念語諸天子言法師如幻欲從我聞法亦無所聞亦不作證諸天子心中復作是念云何法作是聞人如是須菩提知諸天子心中復作是念語諸天子言幻如人人如幻乎我呼須陀洹斯陀含阿那含阿羅漢辟支佛道悉如幻正使佛道我呼亦如

幻諸天子語須菩提乃至佛道亦復呼如幻
須菩提言乃至泥洹亦復如幻諸天子問須
菩提乃至泥洹泥洹及泥洹亦復如幻須菩
提語諸天子設復有法出於泥洹亦復如幻
何以故幻人泥洹賜如空無所有舍利弗邠
祁文陀羅弗摩訶拘私摩訶迦旃延問須菩

提何等為般若波羅蜜相從何等法中出須
菩提報言從是法中出阿惟越致菩薩是為
般若波羅蜜相如是諸弟子聞法悉具足疾
成阿羅漢須菩提言般若波羅蜜中說相如
是從法中無所出何以故法中無所有無所
聞無所得如法比丘無所聞法無所得法從
是法中無所受釋提桓因心念言尊者須菩
提所說為兩法寶我寧可作華持散尊者須
菩提上釋提桓因則化作華散須菩提上須
菩提心則了知言是華不出忉利天上我曾
見是華是華所出生散我上者化作耳化成
耳此華化華亦不從樹出釋提桓因所作華

用散我上者從心樹出不從樹生也釋提桓
因謂須菩提言此華無所從出生尊者須菩
提不從心樹出須菩提言拘翼說言是華無
所從出生亦不從心樹出為非華釋提桓因
言尊者須菩提深知說不增不減作是說法
如尊者須菩提教也菩薩當作是學須菩提
學

語釋提桓因拘翼是語無有異菩薩當作是
學入法中菩薩作是學者為不學須陀洹斯
陀舍阿那舍阿羅漢辟支佛道為學佛道為
學薩芸若道作是學者為學不可計阿僧祇
經卷不生色學不生痛痒思想生死識學不
學受餘法亦不學受亦不學失不學失為學
薩芸若為出薩芸若舍利弗謂須菩提學是
學亦不受亦不失為學薩芸若為出薩芸若
須菩提言如是舍利弗作是學亦不受亦不
失學是為學薩芸若為出薩芸若釋提桓因
問舍利弗般若波羅蜜菩薩當云何行舍利
弗言當問尊者須菩提釋提桓因問尊者須

菩提持何威神恩當學知須菩提言持佛威
 神恩當學知拘翼所問般若波羅蜜菩薩當
 云何行亦不可從色中行亦不可離色行亦
 不可從痛痒思想生死識中行亦不可離痛
 痒思想生死識行何以故般若波羅蜜亦非
 色亦非痛痒思想生死識般若波羅蜜亦不
 離色亦不離痛痒思想生死識釋提桓因言
 摩訶波羅蜜無有邊無有底波羅蜜云何須
 菩提言拘翼摩訶波羅蜜無有邊波羅蜜無
 有底波羅蜜摩訶波羅蜜了不可得無有邊
 波羅蜜了不可見無有底波羅蜜了不可得
 底人無底復無無底無底復無無底波羅蜜
 等無底復無無底波羅蜜無底復無無底亦
 無有中邊亦無有本端了不可量了不可還
 知拘翼從法中底波羅蜜底無底復無無底
 復次拘翼法無底復無端底無有中邊無有
 盡時底索無底復無無底波羅蜜釋提桓因
 言云何尊者須菩提何以故人無底波羅蜜

無底須菩提謂釋提桓因是事都盡不可計
 正使計倍復倍人無底波羅蜜無底釋提桓
 因言何緣令人無底波羅蜜無底須菩提言
 於拘翼意云何何所法中作是教人本所生
 釋提桓因言無有法作是教者亦無法作是
 教住置設使有出者但字耳設有住止者但
 字耳但以字字著言耳有所住止處但字耳
 了無所有但以字字著言耳人後人所本末
 空無所有須菩提言於拘翼意云何人可得
 見不釋提桓因言人不可得見須菩提言拘
 翼何所有作意者何所人底正使但薩阿竭
 阿羅訶三耶三佛壽如恒河沙劫盡度人人
 展轉自相度其所生者寧有斷絕時不釋提
 桓因言無有斷絕時何以故人無有盡時須
 菩提言人無有底般若波羅蜜無底菩薩學
 當作是了當作是知行般若波羅蜜法如是
 道行般若波羅蜜經卷第一
 後泚溪檀越張稅院名璿一力刊此經一函

鱗